

順德府志卷之十三

武進徐景曾輯

列女

自劉子政作列女傳後漢書因之而女子亦遂得流輝史冊
矣顧其時不獨節孝爲烈也才如曹大家文如蔡琰亦皆類
見古稱女有四德其所謂言者豈以文章容者豈以面貌自
宋儒云餓死事小失節事大而女子益知從一之義守志完
貞後先輝映我

朝化始閨門敦崇節孝烏頭綽楔之費歲不限貲洵所謂有
關雎麟趾之德而後可以建周禮周官也故于列女多紀貞

節餘則從畧焉誌列女

邢臺縣

明

王

氏

華英妻年二十而寡姑老子幼氏織絀爲事養貧苦節終身正統間旌表

王

氏

孫瑜妻天順間瑜任知府繼娶氏甫七月瑜卒氏年十九舅姑欲奪志氏以死誓自縊者再家失火舅姑老不能避氏赴火負出後卒典衣奩以葬紡績疲日撫前子女如已出

常

氏

吳希賢妻歸三歲而寡遺腹生子繼先稍長就外傅監司李某按邢賜米以旌其節

全

氏

董壽妻年二十四而寡家貧甚爲人任女工取直以養舅姑內外甚嚴有欲爲乞表于官氏曰勤苦吾婦

人事何以表爲年

八十以完名終

劉

氏

馮騰妻家貧鬻豆腐爲生騰死無子氏年二十鬻治壙者寬其六人莫解其意穴成遂縊於旁隆慶間撫

按旌之
有碑記

楊

氏

山東布政司理問楊某女吏部尚書王本固子邦彥妻年二十一而夫亡欲殉姑勸之遺子履和方三月

撫之成立食餼於

庠守節四十年

邢

氏

生員劉延年妻年二十三而寡姑老無嗣事姑以孝姑死殯葬後居蔽樓足不踰閭者三十年知縣上其

事萬歷
間旌之

崔

氏

趙同德妻年二十而寡子三仕方三歲氏誓以死殉舅姑以撫孤守志為慰苦節四十餘年天啟年建坊

旌表

郭

氏

李向陽妻年二十六而寡撫子元吉成立院道獎之

華

氏

生員劉顯良妻夫死氏守節垂老天啟間建坊旌表

張莊端

庠生張博女居太平村年二十未嫁正德六年流賊過其村女恐被獲奔井中賊迫村人汲出欲易衣擄

去女罵不肯墮賊殺之知府劉溥建祠與沙河王玉梅並祀爲雙烈祠

國朝

朱氏

生員賈鴻儒妻年二十而寡子維盛亦早亡媳吳氏年方二十四遺子萬鑑甫三歲同姑撫之遊庠朱年

八十有五吳年七十有七俱以壽終順治四年旌表

張氏

王俸祿妻年二十八而寡勤績紡教子熙臯遊庠守節四十餘年順治十三年建坊旌表

宋氏

趙源滙妻滙病不能行氏曲爲調護後歿子尚幼氏績紡供其讀書成立雍正二年旌表

張氏

王建妻年十五而寡家貧如洗遺一子多病氏撫之成立旌表

池氏

苑成維妻安有民適姦之不從投井死雍正五年旌表

呂氏

劉之奇妻年十九而寡足不履闕隣里罕見其面家貧竭力事舅姑苦節四十餘年建坊旌表

李氏

拔貢呂善妻呂爲令卒於任氏同妾張氏子立無依苦志守節撫子象韶入泮舉明經旌曰一門數節

化

氏 康生李鳳妻年二十而寡無子以姪廷簡嗣撫之如己出舉明經皆氏教也建坊旌表

梁

氏 廩生李灼妻無出再娶霍氏生一子壻而灼亡氏與霍紡績課子讀書遊庠旌曰幾節流芳

胡

氏 馬從龍妻夫亡氏竭力事姑姑沒葬祭盡禮教子讀書遊庠本府旌其門

張

氏 荆朝貴妻夫亡遺三子家貧氏績紡度日姑欲嫁之以其聘禮為次子朝鳴娶婦氏當迎期將及斷髮毀

顏隣里鳴於官遂守志氏事姑尤孝敬後三子長成孫亦森立年八十八而終

蘇

氏 馬儼母年二十六而寡遺三子俱幼紡績課子仲子舉明經季子入泮守節五十餘年學院及知府知縣

給匾旌之

丁

氏 徐毓桂妻年十八而夫死遺腹生子氏撫之遊庠事孀姑以孝聞姑沒葬祭有禮苦節三十九年詳請建

坊旌表

趙

氏 祁旌母年二十八而寡家貧撫四子績紡奉姑姑歿百方營葬知府及知縣旌之

劉氏

孟見斗妻年二十九而寡勤紡績事孀姑撫子及女姑歿葬祭以禮守節五十餘年

崔氏

賈大榮妻年二十而寡苦節二十九年知縣旌其門

翟氏

朱克挺妻年十九而寡遺一子方五月氏事姑撫子守節四十餘年知縣旌其門

魏氏

楊大觀妻夫逝遺子繼方四歲氏撫之成立建坊旌表

王氏

生員劉大器妻年二十七而寡撫二子登高登雲成立知縣旌之

吳氏

李維棟妻年二十七而寡撫二子文秀文成成立享遐齡有孫三曾孫四元孫五含齡以弄鄉里榮之

蘇氏

增生許若邵妻年二十五而寡守節三十餘年建坊旌表

邢氏

邑庠生達振英妻守節四十餘年子恒亦早亡婦金氏勤敬事刑死葬盡禮撫孤遊庠苦節三十餘年乾隆十年建坊旌表

康氏

坂貢生黃大來妻娶未三載而南遊江寧有卽姓愛其才品以絲妻之遂娶卽氏生二子一女後大來旋

里身故康無出計至江寧佛隲子女齊喪來邢二氏同撫
子女子國鈞娶邵氏未幾而國鈞病歿邵年方十八無
三孀守志邵孝事二姑以近支道惠
爲嗣教之遊於庠年六十二而卒

董氏生員郭京妻年二十四夫亡欲殉念孀姑李撫二子
曰俟其成立可矣迨次子衛城遊庠氏遭疾輒却醫

藥水醬不入口曰吾今乃可報地下也二子跪
泣亦不應五日而卒撫按屢旌其門曰饒節

康氏李素妻素死生子甫三日氏撫
孤守志三十餘年建坊旌表

蘇氏康生鄔士良妻夫亡撫子
震成立守節五十餘年

王氏景方平妻年十七而寡遺腹生子
鳳鳴撫之遊庠守節四十餘年

吳氏張象南母夫早亡家貧辛勤撫孤成立守
節三十餘年象南亦孝養備至隣里賢之

辛氏吳成名妻年十九而寡遺二子姑老家貧氏女
紅營生孝親撫幼苦節四十餘年建坊旌表

左氏巴陵縣知縣李京妻年二十二而寡撫孤列太
孀不幸又早亡撫一幼孫成立守節六十餘年

張

氏

庠生王之翰妻守節三十五年子庠生靖方亦早亡婦劉氏亦守節三十九年一門雙節鄉里賢之

張

氏

郭琚妻年十八而寡遺腹生子繼宗氏上奉舅姑下撫孤兒苦節四十餘年

郭

氏

化時舒妻守節建坊旌表

張

氏

葛言廣妻守節建坊旌表

姚

氏

蘇貴妻守節旌表

毛

氏

蘇宗武妻守節建坊旌表

張

氏

祖貴卿妻守節旌表

賈

氏

孟貴良妻守節建坊旌表

徐

氏

侯純臣妻守節建坊旌表

張

氏

監生化永泰妻泰早亡遺子駿氏撫子永化成立苦節以終乾隆九年建坊旌表

氏袁進堂妻年十九而寡氏立志苦守事姑益謹姑病

方數月紡績教子讀書成名苦節四十餘年乾隆七年建坊表

氏張允昌妻年十九而寡勤紡績事舅姑喪葬如禮姪姪為嗣撫之成立守節三十餘年乾隆九年建坊表

表

氏郭守仁妻年十六適守仁姑獲瞽病在床氏左右扶持八載不怠姑沒守仁未幾亦病卒氏年二十七遣

子元九歲喪葬如禮領紼度日守節旌表

氏王世擢妻年二十三而寡遺下瞎盲方週歲教之成名苦節四十一年學院陳某旌之

氏貢生史亮采妾年十四侍亮采越九載而寡善事主母扈氏扈亡痛夫無子繼姪編年嗣孫中倫生甫週

歲失恃氏愛如已出教子撫孫俱成立入泮壽七十有二知府朱鴻緒旌其四

氏廩生王心澄妻年二十七夫死欲殉姑止之曰吾老子幼可殉節而失大義耶氏遂屏膏沐勤紡織事姑

以孝聞教子橘入
泮守節四十六年

袁氏

李文鉢妻年二十一而寡家甚貧勤紡績以事舅姑
死葬盡禮撫子珍成立苦節四十餘年建坊旌表

胡氏

邵允修妻年二十七而寡家貧如洗艱苦守
志撫子德新成家乾隆十二年建坊旌表

沈氏

監生劉玉海妻年二十五而寡無子育一女及笄
擇婿承宗苦節三十餘年乾隆九年建坊旌表

金氏

達恒妻年十七而寡勤紡績事姑撫
子遊庠守節三十二年建坊旌表

黃氏

生員蘇宗元妻年二十四而寡性修潔事孀
姑至孝撫子忭成立守節四十年建坊旌表

張氏

傅鳴皋妻年二十八而寡無出家貧舅姑欲其改適
氏不從孝事舅姑死葬如禮繼姪爲嗣克成厥家

建坊旌表

區氏

賈志貴妻年二十四而寡事姑以孝稱撫子
成立守節三十餘年乾隆十年建坊旌表

吳氏

吳建功女年十六有姿色失母未字有隣家子王
某之伺其父山曰書持刃入欲污之女哭喊謨

護手以双... 而死知縣... 院請... 旨將諡正... 旌女祀之

沙河縣

明

李氏

張俊妻年二十五而寡勤紡績事舅姑以孝教子璉入泮苦節終身正德年建坊旌表

董氏

生員朱洪妻年二十八而寡遺子魁方二歲或勸之嫁氏以死自誓教魁成立貢太學仕為京衛經歷封

儒人壽九十有三

樊氏

韓斌妻斌隨父任卒於湖廣氏年方二十有七遺二子尚幼尚幼孝事舅姑教養二子弘治間旌表

邵氏

侯諫妻諫溺水死氏年十八痛哭幾絕遺腹生子蕃撫訓成立家業賴不墜守節二十七年

趙氏

許宗周妻年十七而夫死有人求配氏悲泣不已誓不再嫁以疾終與夫合葬

元氏

周國章妻年二十三而寡母惜其無嗣遂暗許於楊姓令其歸寧氏知之悲忿痛哭三日不食至夜自縊

隆慶四年通判戴偉旌表其門詳請院道給匾旌曰茂齡高節遺官祭焉

于氏 韓世福妻身亡事姑以孝聞夫歿二子尚幼有欺其孤寡者氏甘受不校人稱女中君子萬曆年旌表

氏 陰陽官武實妻年二十五而寡遺二子尚幼氏勤儉撫二子家業日隆有貧乏者周之守節四十餘年萬

歷年旌表

氏 韓九人妻年二十四而寡遺二子俱死氏守志益堅五十三歲卒

氏 通判趙從學妻年二十七而寡撫二子如良如義遊庠守節三十餘年萬曆間知縣王屏旌表其門

氏 唐卿妻年二十三而寡遺子國楨方二歲有勸其嫁者氏以姑老子幼誰與事育叱之曰勤紡績事姑嫜

尤以孝稱壽九十有七萬曆十一年知縣姬自修詳請旌表

氏 韓時光妻年二十二而寡遺二子尚幼或欲奪其志氏以死自誓至老猶勤紡績教二子守禮法年九十

元而

杜

氏

趙之垣妻垣得風症十數年氏奉事維勤及垣死誓不再嫁有媒氏欲探之氏上慚且憤食杏仁而死萬

曆四十年

建坊旌表

張

氏

周文運母年二十五而夫故遺子文運未及週氏苦節五十三年子文運成立亦體母志天啟年以母節

子孝建

坊旌表

樊

氏

李令譽妻年十八而寡事舅姑以孝稱崇禎年建坊旌表後以世亂投井死

周

氏

任萬庫母年二十夫故欲殉念子萬庫遂守節撫之至八十三而卒崇禎年建坊旌表

何

氏

耆士張自秀妻少嫻內則夫亡遺二子師孔師道尚幼氏守志撫孤勤紡績課讀書師孔中己卯鄉試師

道選明經至

七十三而卒

于

氏

趙繼成妻年二十二而寡奉姑撫子苦節六十餘年

許

氏

張師顏長子其度妻崇禎十三年土寇劫掠抵贊善村其度率弟其衡其程翼父出逃而師顏米不健賊

頁德子示

卷之三

列女

圍之俱被害賊去氏偕其衡妻白氏其程妻李氏伏尸哭
曰丈夫死生何爲遂連袂投井家衆力禦之又聚一室投
環家人秉燭通宵守之得不
死後各紡績訓諸兒成立

王玉梅

生員王得時女流賊經杜村虜掠其鄉得時有勇力

梅前行時玉梅年十七且行且罵賊怒三斷其屍而去
去知府劉溥建祠與邢臺張莊端並祀爲雙烈祠

國朝

任氏

王郭妻年二十九而寡家貧子幼或勸之嫁氏不從
勤紡績教子讀書守節五十餘年順治間按院衛某

桑某皆
旌其門

石氏

劉聖經妻生三女無子夫死年二十
有三值明亂家無儲蓄氏苦節自矢

李氏

梁民服妻年二十而寡家甚貧遺子道明尚幼氏口
授以詩弱冠補弟子員尋以康貢乏嗣而卒人皆

之

張氏 樊將新妻年十四適時生三子一女俱幼夫病勢
紡績貿易延醫夫李氏年二十五母子經日不炊苦

節九十九歲終順治間

按院桑某題請旌表

孟氏 廩生李成性妻年十六適成性事姑孝姑病籲天求
代果愈踰年姑病故成性亦傷慟繼亡遺子珍方六

歲明末遭亂避兵沙城城

陷率男婦盧氏投井死

李氏 鄭邦奇妻年十七而寡遺子未及週氏率姑撫幼明
末兵亂抱孫女投井賊下石擊死順治間趙表又達

烈女祠春
秋享祭

侯氏 生員胡三錫妻年二十三而寡遺子佐尚幼氏紡
績度日屢經兵荒苦節八十四歲終順治年旌表

楊氏 李兌我妻年二十夫亡遺子凌霄方九日氏孝事舅
姑撫子遊庠凌霄亦念母苦志克敦孝行康熙元年

學院汪某

題請旌表

韓氏 李在閩妻年二十而寡遺二子瞻望俱幼氏遭飢荒
兵火備歷艱苦五十餘年子瞻入泮康熙四年富事

旌表之

趙

氏

生員李挺生妻年二十而寡無嗣氏以財物盡與諸姪知縣馮源給匾旌之

施

氏

貢生趙鳴世妻年二十五夫亡隻手營葬兵火後家業如洗紡績為生教二子汝沉汝默遊庠苦節四寸

年如一日知縣談

九乾詳請旌表

裴

氏

增廣生樊衛國妻年二十一而寡撫二子秀茂遊庠知縣談九乾詳請旌表

周

氏

尚志妻年二十四而寡家貧勤紡績上以事祖公姓姑下以撫孤子幼姪數十年如一日知縣談九乾給

匾旌

表

杜

氏

生員姚紹克妻年二十四而寡遺子克順方三歲或欲奪其志氏矢志撫子成立守節四十餘年旌表

趙

氏

吏員尚毓榮妻年二十九而寡氏苦節事姑教二子成名旌表

劉

氏

生員張所祿妻年二十六而寡遺一子方三歲氏矢志守節公姑孝事祖妣旌表